

**2014-imi akileraarutitigut ilanngaatisat il.il. imatut angissusilerneqarnissaannik Inatsisartut aalajangiinissaannik siunnersuut, tak. suleriaasissani § 32, imm. 6, 2:**

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaannngitsut..kr. 5.000 (ukiumut)**
- 4. Killilimmik akileraartussaataasut ilanngaataat.....kr. 1.000 (ukiumut)**
- 5. Kommunitut ataatsimut akileraarut.....6%**

### **Saqqummiussissut**

(Aningaasaqarnermut Naalackersuisoq)

### **Siullermeerneqarnera**

Inatsisartut aningaasarsianit akileraarutit pillugit Inatsisartut inatsisaat naapertorlugu 2014-imi akileraarutitigut ilanngaatisat il.il. angissusissaat 2013-imi ukiup affaani siullermit aalajangersartussaavaat.

Ilangaatit il.il. pineqartut tassaapput:

1. Inummut ilanngaat - § 67, imm. 1.
2. Ilangaat aalajangersimasoq - § 21, imm. 2.
3. Aningaasarsiat B-t akileraaruteqaataasussaannngitsut - § 20, imm. 2.
4. Akissarsiortut killilimmik akileraartussaataasut ilanngaataat - § 2, imm. 2.
5. Kommunitut ataatsimut akileraarut - § 63, imm. 2.

Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimaneri eqqarsaatigalugit ilanngussaq 1 innersuussutigineqarpoq, soorluttaaq 2014-imi aningaasarsiat tungavissaattut naatsorsuutigisat ilanngussaq 2-mi nassuiaatigineqartut.

Naalackersuisut siunnersuutigaa 2014-imut akileraarutitigut ilanngaatisat il.il. 2013-imut sannilliullugit allannguuteqassannngitsut, tassa Akileraartarneq atugarissaarnerlu pillugit Isumali-oqatigiissitap innersuussutai tungavigalugit piffissami aggersumi isumaqatiginninnissani akileraarutitigut ilanngaatisannut allannguutissaajunnartut ilanngunneqarnissaat Naalackersuisunit kissaatigineqarmat.

Taamaalilluni ilanngaatit aammalu kommunitut ataatsimut akileraarut 2005-imi akileraartarnikkut aqqissuusseqqinnerup kingorna allannguuteqartinneqannngillat, ilanngaatimmi taamani katillugit 10.000 koruuninik qaffanneqarsimapput taakkulu saniatigut kommunitut ataatsimut akileraarut 2 procentpointinik qaffanneqarsimalluni.

Kalaallit Nunaanni Kommuneqarfiit Kattuffiat nalunaarpoq kommunitut ataatsimut akileraarutit 2014-imut allanngortinnagu 6 %-imut angissusilerneqarnissaa isumaqataaffigalugu.

Taamatut oqaaseqarlunga 2014-imi akileraarutitigut ilanngaatisat il.il. siunnersuutigineqartuutut angissusilerneqarnissaat Naalackersuisut sinnerlugit inassutigissavara.